

荆川先生文集

二



重刊荆川先生文集卷之二

詩

庚子歲海印寺再舉同年會紀事四首

此下係春坊時作

伐木張新燕攀鱗憶往時重來散花處更是聚星期  
玉佩皆鵷侶金河即鳳池獨憐丘壑質還復接芳儀  
淨院早涼生佳賓四座傾花間重識面塔裏舊題名  
對酒憐萍跡聞歌想鹿鳴十年還此會那得更無情  
故遊經繡陌初地入松扉可那看花伴年年漸覺稀  
一鐘收宿雨雙樹帶餘暉若問龍池劫誰能不醉歸

梵宮鄰帝苑長此集儒紳檻外諸天界尊前四海人  
星霜別後鬢花月向來春且共據籌策雲臺早致身  
得薛君所寄三游紀興刻中有楊方洲見懷之  
作蓋別去已十餘年矣撫卷慨然用韻奉答  
昔抗萬言疏還歸四壁居誼才應共惜黠慙更無如  
顧爾猶巖壑慚予濫石渠  
聖明思直諫早晚下徵書

送黃翠巖赴松江推官任

君本儒家子新詩更出奇自宜金馬署暫拜爽鳩司  
海國收魚稻桑田賦繭絲南州饒土物勉爾一無私

送沈君守寧波

五馬去趨蹕孤城積水含地收蚶蛤稅人與龍蛇參  
夷貢珠頻入僊書穴可採清貧君已慣海味不須甘  
送陸舍人調遼府長史

十載紫薇郎長隨玉輦傍忽辭漢天子去謁諸侯王  
夢渚陪游獵蘭臺佐羽觴子虛今在楚作賦有輝光  
送王舍人往崑山爲顧相公營墓

明主敦耆老藏山借寵恩使臣出左掖秘器給東園  
舊路吳中樹新碑海上原平津衆賓客試問幾人存

聞石屋彭君置生棺有感爲賦四詩

青山結淨因回首跡俱陳  
司馬四壁宅榮期百歲身  
文犧幸知免行蟻待相親  
試料還真後誰爲倚戶人  
隱几嗒然安疑君是鷓冠  
道書肘後繫人世鏡中看  
家本無千橘生常卧一棺  
不因茲下淚任爾雍門彈  
苦欲辭簪紱歸來掩故園  
無過六百石只對五千言  
倚樹看蜩化逢人笑舌存  
老龍且莫去爲我發狂論  
吾與爾皆夢相看一笑時  
拘拘亦何惡役役尚如斯  
藜桂山中約枯槎海上期  
胡爲更羈縲有愧故人知

寺中訪後渠佳侍郎不遇次韻

爲訪高人館聯鑣出近垆  
並從金地入不見玉山形

榻尚留僊塵雲疑隔使星無人問竒字載酒只空亭  
濟上別錢副使

木落村逾迥洲迴水更包亂泉春急峽短日漾寒郊  
問俗非吾土逢君似舊交笑談方此始何事又相拋  
點蒼山歌贈雪屏趙考功

點蒼山十九峯峯峯巧削玉芙蓉炎天赤日雪不融  
峯頂湧出十九泉一峯一泉相縈纏流到峯前共一  
川雪花亂落綠波裏疊島連洲鏡中起是爲巨海名  
西洱蒙舍當年控百蠻山水中間鑿兩關一夫守此  
百不攀聖代垂裳九夷附此地千秋罷烽戍洱海行

人日夜渡剪除蓬藿䟽街衢歌鍾綺衣盈路隅昔日  
不毛今雄都山中雞犬散不取山下烏蠻種禾黍况  
乃儒風似鄒魯紛紛犀象走王庭恠石亦具山水形  
盡輦中州作畫屏羨君結廬山之窟窓裏諸峯互出  
沒夜夜讀書常映雪十年簪笏繫朝班位高官要身  
不閒惟有清夢到故山余亦平生好奇者一說名山  
心若洒何時與君共坐雪峯下

李中麓文選藏書歌

中麓子最好奇平生苦心只自知破塚將尋姬氏籍  
鑿山欲出禹王碑鳥篆蚪文焚後字白雲黃竹刪前

詩藏在陰厓及海窟神物守護誰得窺自從掇取歸  
君屋但聞胡山鬼夜哭汗牛詎止盈五車挿駕應知  
滿萬軸開函几席生雲烟五色紛紛耀人目家中綾  
綺割截盡更剪朝衣作裝束中麓子幾歲讀書長閉  
門自信中郎能一目還輕左氏識三墳邇來下筆作  
詞賦絕似先羊石鼓文却憶射策來京國此時才士  
紛如雲雕龍白馬爭先後一日逢君皆閉口試問鼪  
鼠君已知解對黃熊誰更有共看飛騰邁等倫早排  
閭闔上麒麟遂令紈袴生嘆息公卿元是讀書人老  
大無聞予自憐論交多愧十年前可道壯心猶未已



時復從君乞一編

詹府讌集奉和上宰松臯公三首

祥光虹渚應玄蒼喜溢仙曹薦羽觴  
七鬯萬年徵子聖股肱一德見臣良  
袖携香霧東華上履曳星辰北斗旁  
共說疑丞歸大老競將禮樂贊靈昌

御苑先春萬木蒼宮雲裊裊度瓊觴  
鵷班並引金貂貴鴻羽全收玉署良  
分日傳經清禁裏罷朝起草紫宸旁  
恩波忝竊安能報願祝千秋寶曆昌

玉津晴望鬱蒼蒼環珮初臨試紫觴  
並向鳳池開勝會早從麟角識元良  
衣冠迥出商巖上雨露偏承幻

海旁自愧承華箴未就謬將彤管奉明昌

送王翰林浙江兵備副使

同時詞客不如君一劍還將靜海濱  
雞舌舊從香署吏虎符新領伏波軍  
帆檣萬里輸蛟織樓閣三秋吐蜃雲  
自笑馮郎將白首欲從幕下策奇勲

送鄒東郭掌南院

最憐江左風流地  
整作周南太史公  
通籍總稱鸞掖吏  
分曹獨向鳳臺東  
香携漢署沾新綬  
花近秦淮瞰故宮  
此去談經門下客  
幾人相對坐春風

贈吳山人歸自京師

山人不解機心事早歲藏珍學鹿門住傍巖崖惟四  
壁賦成金石幾千言偶遊卿相多懸榻歸去蓬蒿正  
滿園京洛豈無知已在看君終是厭煩喧

贈許太宰

卿家勲貴似諸袁兩世三登八座尊接席貂蟬開甲  
第成陰桃李在公門身延白屋頻推哺官借青宮獨  
拜恩

天子行將問黃髮老臣何以贊嘉言  
宿雙塔寺林東城羅念菴誤於郭外相尋不遇

有作見寄用韻奉答

謾向金門學隱淪，獨遊花院散涼氛。  
諸天只在人間世，並馬誰尋野外雲。  
白日金輪臨戶映，香街笙管隔牆分。  
化城本是迷來路，莫訝幽人好避群。

次韻贈湯將軍

將軍故中山侯之孫也

將軍妙算古人同，料敵常如在目中。  
鍊騎連營寒映月，樓船跨海夜乘風。  
玉門烽火今猶急，桂嶺珠璣久未通。  
却笑封侯應有種，看君百戰立奇功。

自述

此下係後家居時作

祇爲抽簪早歸來，已四春本非食肉相。  
猶是飯牛身負郭，無新業灌園有舊磯。  
邊獨釣客隴上，偶耕人

相見一相笑吾今罷問津

宿游塘書懷二首

脉脉常多病  
睢睢竟寡諧  
鶯鳩知分量  
稿木任形骸  
虫語喧清夜  
藤花媚小齋  
逃虛何足嘆  
心迹幸無乖  
雨過草木好  
夜來池館清  
露虫疑燭影  
風樹答書聲  
似瓠甘無用  
爲羶厭有名  
且師河上叟  
毋使慮營營

題陳渡莊

經時不到此  
花落徧庭蕪  
開館猶如客  
憑軒忽喪吾  
蝶飛看栩栩  
鳥喚聽烏烏  
便欲題丘壑  
於今總姓愚

岳亭遇盜次韻

枕書覺已倦，挺劍忽相求。  
驚起游仙夢，虛疑賈客舟。  
齋糧十日少，載橐一身浮。  
澹泊堪爲笑，將何謝爾偷。  
病中試新茶

久不窺園圃，多應徧落花。  
生涯只本草，歲月又新茶。  
婚嫁身多債，詩書眼尚遮。  
病來都忘却，恰似老僧伽。

泊舟郭外有感

特旱災甚

愁多番夜短，村郭又雞鳴。  
更聽鄰舟語，行看海日生。  
新秋河漢影，竟夕桔槔聲。  
誰能訟風伯，一使甘霖傾。  
同褚生滔徐生大復夜過城濠水榭作二首

出郭即山家，孤亭更水涯。  
人開池上酌，蓮吐月中花。

清籟微微至明河漸漸斜坐疑塵世隔雞犬亦無譁  
祇堪成獨往詎意得同群柳色秋將近烏啼夜欲分  
細吟西澗草間誦北山文縱然逢醉尉不是故將軍

時居人有  
詞問者

游永慶寺示諸友

村墟正三月春服領春風飛鳥機心外青天佛眼中  
觀心猶是障齊物亦非同何處叅真訣顏生昔屢空  
題金山寺付僧惠傑四首

何處尋龍藏停橈聽梵音中流一塔影遠樹萬家陰  
僧定潮來去月明江淺深試將空水相堪比慧公心

隱隱帆檣外分明見法幢川光孤斷石井脉割寒江  
折葦僧歸渡觀潮客倚窓一窺龍女偈坐使戰心降  
憑虛聊騁望面面荻蘆秋坐據三生石心隨萬里流  
鼉鼉爭出沒樓館定沉浮向夕烟氛斂珠光似可求  
法界元無着窳窳空水雲鐘聲潮外住佛相鏡中分  
經爲魚龍說人將鶴鶴群慈航如可借不厭往來勤  
宿荆溪上塘菴迷懷余向曾游此匆匆十年矣  
園令還多病東方更少徒尋山只獨往到寺即吾廬  
酬答慙居士衣冠謝鄙儒冥心偶有會木榻小跏趺  
禪棲吾所好來往亦隨緣信宿還今夕支離又十年



病身寧禮束懶性已書捐興到成開口逢人更默然  
海上倭方急雲中虜又侵纓冠本非分抱膝復何心  
樹冷秋前寺篁齊雨後林此鄉非楚澤濯足亦成吟  
委形堪落魄任性絕安排得失浮生夢閒忙造物差  
平湖踈野樹微雨寂山齋欲證空王偈猶嫌落幾階  
家園只百里幾月不知歸飯合山僧竈眠分漁父磯  
貌衰非示病才拙似忘機雖然斷葷酒不惹獨醒譏  
山房夜雨歇簷溜響空堦叔夜惟貪睡榮赭又孰借  
廢梳同祝髮厭肉類持齋轉覺人情隔岩僧却可儼

登常山山亭次壁間韻二首

關通百粵會地帶上游雄車馬年年客塵埃滾滾中  
憂時譏喪狗逃世托冥鴻出處將誰是徒令懷古風  
平生好奇士撫景氣還雄棧度盤蛇際灘行磨蟻中  
客心南北水世事去來鴻聞說仙山近冷然欲馭風  
過清溪莊值主人不在

岸岸夾叢竹清溪幾許深君從城市隱余向碧山尋  
翳翳孤村景刁刁衆木吟還看題壁字想見閉關心  
題清溪莊三首贈顧副使

阮生常避俗平子正歸田種秫供生事爲樓佇列仙  
沙行隨鷺跡湖泛趁漁船月下聞高咏應多感興篇

城郭往來久獨憐湖上居素封千樹橘白首一牀書  
山客秋分蜜溪畔夜捕魚橫金豈不貴此樂復何如  
地即梁鴻宅溪連范蠡湖霜天榮橘柚秋水戲鷗鳧  
從宦元非巧名丘亦是愚欣君遂始願遠屋樹粉榆

答陳澄江僉事村居韻八首

番嫌結社閑獨往築秋塲已謝二千石何須八百桑  
站站夕時鳥欣欣雨後秧感時聊一適不是阮生狂  
昔歲理人術今朝種樹書太恩番是累非種亦須鋤  
身老蕪栽藥家貧待畜魚求羊還愧我肯許叩精廬  
酒隱君能慣青天白眼寬貌肥占道勝祿去易身安

鳥跡携書對藤花倚樹看枋榆非不樂何用羨扶搏  
君往愜幽意吾留厭市聲園廬本相接誼寂不同情  
褊心違請謁病骨廢耘耕出處兩無着空慚大隱名  
城市終當徙開軒向綠疇老知學稼好窮帶著書愁  
野燕登蚕箔山雞雉麥秋村忙無曲調出口自成謳  
南國頻饑後食麩勝酪酥比閭雖麥穗盜賊尚萑蒲  
闔室供繅繭分溝競輓轡田家莫厭苦試看荷戈夫  
樗散甘爲笑逢迎已覺迷漸能諳豕牧寧復舞雞啼  
村居隣北郭野語學東齊此是潛夫宅吾將爲子題  
葺屋纔支漏新茅不用添風清田叟鼓雨應社神籤

野蔭炎還冷村醪酸亦甜  
高人方對卷晒麥也能煎

贈王山人

自笑久磷緇還真已是遲  
偶尋赤松子更結白雲期  
短褐身將老微言世莫知  
吾生同智北從此問無爲

贈山陰陳千戶病卧毘陵三首

陳故毘陵人也

問子來何處云從剡水陰  
越吟多病客吳語故鄉心  
尺牘人爭羨一言余所欽  
由來絕絃意今日爲知音  
到處能驚座知君是姓陳  
小言工作賦大隱不違親  
倒篋酬寒士投書絕貴人  
吾將從汝去共醉若耶春  
高牙將門子何事老蓬蒿  
坦蕩從吾好浮沉任所遭

行窮五岳家住一漁舸尚覺雄心在逢人脫寶刀

周蓮渠以詩問病次韻

詩書能作崇齒髮自多愁且效漆園放還同蓮社投  
樗材非世用藥石拙身謀脉脉淹時序空貽知己憂  
載疊前韻二首贈蓮渠

十年不入市一飲復何愁秘錄時堪展華簪久已投  
只有歸田賦曾無問舍謀營營憐俗子得失盡成憂  
字許門生問詩從海上求養真人伴鶴寄傲屋如舟  
得喪驚蕉夢榮華覺梗浮邑中有耆舊應使俗回偷

憲副饒湖田見過陳渡草堂賦此為贈

皂帽棲遲日掩扉方灌園豈知繡斧客還過雀羅門  
絲繭東南急羽書邊徼繁憂時在君輩野老復何言

贈郡倅綱運

之子從王事秋江曉問津泛舟千里役行篋一官貧  
淮海雄畿服瑤琨貢國珍

聖明如有問正可繪流民

時江南  
早甚

送人赴真定幕

幕下繡鞍來滹沱冰未開股肱稱大郡帷幄選名才  
鴈起分秦塞雀棲辨魏臺雲山自可樂况得庾公陪

贈馮午山提學

吳俗今應變楚材昔共聞試看鑄人術豈尚雕虫文  
驄馬迴江樹絃歌散海雲史書徵德化更是一馮君

漢史大馮君小馮君  
政如魯衛德化均

贈吳賓湖

幽棲謝俗客相對只清湖野服裁芳芰時蔬剪綠蒲  
行吟向漁父著論比潛夫前洲雙白鳥識得主人無

題徐君淵泉號

磊磊長髯客人間又避名獨因南澗賞遂與北山盟  
流處玉琴響繞來茅屋清風流堪此地今古一徐生

贈王思東號王君祖爲中舍



以茲百年感東望一歎歎氏族王孫後弓裘世澤餘  
時攀臯上樹獨對齋中書尚說傳竒字知君辯魯魚  
贈熊南沙郡倅入賀

萬壽節三首

去去朝元使先年漢署郎遙將華封祝再惹御爐香  
近侍陳鴻寶仙人捧御床試看舊朋輩多在弭貂行  
畫省何年別頻驚江上楓因茲萬國會還向五雲宮  
恩承天語潤班許近臣同自信真心在羞言藉子公  
一朝辭寵辱終歲事沉冥只可群麋鹿那能出戶庭  
北胡頻候月南紀正占星

時火守斗

長策須君輩將何獻

帝庭

壬子陸生南陽褚生滔赴試與之叙別不覺坐  
至夜分因作二首

齒長愧一日經傳在兩生攝衣常共席連茹亦同征  
夜露澄杯氣秋河澹月明忘言吾已久款款見深情  
汨沒嗟來久前儒與後生爭矜腐鼠得誰逐冥鴻征  
默坐蛩秋語窺書螢夜明舊游看籍湜應悉此時情

韓子云籍湜輩屢  
指教能不叛去否

常山懷羅念菴

本爲窮幽賞非因避世氛鄉心吳水盡客路粵山分

名姓休相問漁樵久作群忽思鸞掖侶日暮倚停雲

壽詩

早謝浮名絆生涯常宴如春來江上棹老去枕中書  
東郭閒居慣南榮

慮踈看君足道貌自與俗人殊

董進齋壽詩

自愛懸車早經今十歲餘薄遊滄海客大隱市城居  
坐閱人間世時翻肘後書里中問耆舊羨爾更誰如

蔡南村壽詩

蔡恭伯里人  
濼之父

我識南村叟臞然一逸民卜居三讓里擊壤百年身  
城府入來少桑麻樂處真一經今有子環堵豈嫌貧

壽王生革母

之子門生秀傳經契獨深還因飲冰志更識和丸心  
貧供江水饌詩獻柏舟吟古來推善養尹母復如今  
法慕菴六十禮之父

家世法真餘清名人不如高年推亥字大隱寄廬居  
逸客閒相過機心老更踈多君能教子餘慶在詩書  
贈徐學琴六十大復之父

改歲周正月推年絳老人山田新刈秫茅屋久藏珍  
白雪絃中意青衫物外身羸金亦何羨有子不爲貧

題孤山林隱居祠二首

孤山春欲半猶及見梅花笑踏王孫草言尋處士家  
塵心瑩水鏡野服映山霞岩壑長如此榮名豈足誇  
碧水年年色幽人復此遊不因同所好那得獨相求  
山鳥矜春語湖烟淡夕流思君忽自笑信矣一生浮

岳將軍墓二首

國耻猶未雪身危亦自甘九原人不返萬壑氣長寒  
豈恨藏弓早終知借劍難吾生非壯士於此髮衝冠  
誰將三字獄墮此萬里城北望真堪淚南枝空自榮  
國隨身共殞相與虜俱生落日松風起猶聞劍戟鳴

吳江三忠祠

祠在太湖東畔三忠伍  
太宰張睢陽岳武穆也

廟枕洞庭波招魂薦楚歌靈風鼠雀避落日鹿麋過  
東國終爲沼南兵不渡河江淮形勝地保障近如何  
墓槨幾經秋興亡一劍樓死應爲厲鬼生肯共金酋  
吳越車書混江淮戰伐休幸逢全盛世此地弄扁舟

松關

蘇南雜詩爲吳  
順山副使作

月出照松關松陰正滿地恐有山僧歸終夜不須閉

梅塢

層冰結平川積雪埋高樹無處寄幽情但到梅花塢

筠徑

面面隔深竹茅齋在何處遙聞犬吠聲試從此路去

石丈

自是太古人一身衣百草  
年年只在山憐爾亦枯槁  
蒼翠亭

風來松濤生風去松濤罷  
雖非叅禪客暫此學觀化  
會遠樓

層樓對迴溪溪邊草新綠  
不是傷春人聊騁千里目  
元陽洞

混沌遇儵忽誤被鑿一竅  
寄語談玄人此中可觀妙  
小虹橋

採花與汲澗幽事俱在山  
朝向橋上去暮向橋上還

迎仙館

空齋寂無人草木自森蔚不因羽客遊安得有雲氣  
禮星臺

昔在明光宮日侍北斗傍此時卧空谷頻望北斗光  
靈芬精舍

山人愛長生辟穀亦云久何以濟朝饑紫芝大如手  
山田

從橫亂峯裡忽此見平田不須抱甕汲自有峯頂泉  
山池

百泉自奔注更不費疏鑿雨歇天氣清臨池看洗鶴



茅亭

孤亭簇群岫宴坐增悄然主人何所作多應草太玄

良友軒竹

里中耆舊多談笑每相聚日暮各自歸此君獨不去

聽鶯閣

春催金谷曉一望百花齊不作遼西夢從渠着意啼

賀陳吏部父母榮贈二首

歲月生涯短詩書世澤長今看墓木拱猶自被恩光  
翠鶴裁新服丹沙駐舊容爲問天書寵何如石窞封

己酉八月十八日觀潮作

秋空忽爾色黯黯萬竅怒號山震盪冥冥混沌一氣  
來游人共指潮頭上初時映海色尚微及至摧山力  
漸壯瀕洞吳越懼一壑幻戲人獸驚殊狀滿空烟霧  
走玉龍萬里川源飀白象雷鼓鞳鞳馮夷舞日車出  
沒鮫綃漾海神珍寶不自惜歲與江妃一相餉湏臾  
漲盡勢稍歇依然宇宙回清亮昔人說此已愈疾何  
况臨流恣踈放

賀金翁夫婦雙壽詩翁舉人子韶庠生子聲之

父也

金家兄弟早空群倚馬便作萬言文玉樹輝輝照前

後弱冠英名在人口費舍同遊愧我先相見每稱吾  
小友曾說而翁好避諠隱身西郭如鄉村一生愛誦  
遠公偈累歲不識縣令門夫婦齊年人共羨九月開  
筵對歸鴈請看二子接翅飛好將文繡作斑衣

題贈喬僉事兼爲乃翁封君壽

使君昂藏關西客弱冠聲名已籍籍著書每欲準盤  
誥作賦時能擲金石爲郎幾歲歷金華還聞建節度  
褒斜錦水秋霜看避馬杜陵春草正思家君家住近  
谷口東而翁亦有子真風游宦勿言親舍遠金牛元  
自接秦中

希周兄八十

三十年前事未遙  
兄時鄉杖我垂髫  
豈識負劔從長者  
惟解戲雞逐馬誇  
輕躑三十年後事  
已更驚看鏡裡白  
髭生問兄何爲却  
少壯應是黃金鑄  
已成

石湖王傅辱觀拙集見贈長句二十三韻奉答

一首

少年文苑恣搜集  
每得異書心喜懌  
或時一日來東閣  
輒覺無聊少顏色  
偶熟草木鳥獸經  
充貢王廷叨簡迪  
眉目可醜泚世用  
依然歸來事藿食  
荒廬四壁豈嫌陋  
敝帚千金徒自嚇  
不能屈蠖事深藏  
尚爾雕

蟲餘故習苦思疾書寒燈伴微吟骨立長松側言語  
能工詫鸚鵡心田耳穢驚狐蜮已知壯夫决不爲况  
有良朋相羽翼春陵無極只一語此是尼山真血脉  
汗背幾枉過一生焚棄筆硯甘守黑回頭可笑詭堪  
覆後生謬謂玄非白祗合篋笥掩瑕垢誰寫竹帛露  
狂易雲間長史有古風三江五湖襟期隔下里因風  
忽傳去幸逢知音寬我責謂余朋舊往復書惹轆頗  
比他山石百卅餘言拜嘉句坐令枯槁生潤澤夫君  
清標遠俗姿矯矯忽向我前立轉覺側身感四愁何  
時開徑延三益東海此日多君子有如填箠逆憂擊

寄聲林莫兩揚君努力與世掃蕪塞

題偶耕書屋送謝右溪西歸兼東左溪

長君昔挂西曹冠青風漠漠滄江寒少君復謝薇省  
吏身世飄飄忽如棄歸來對坐四壁居篋中一卷種  
樹書誰言丘壑足枯槁折腰昔日今何如五月黃梅  
雨茅屋麥苗滿田蠶上族童稚欣欣笑相語但免饑  
寒百事足吳國樗生少好游三仕無成感四休已道  
栖栖非我事將從沮溺問良謀

題夏中書畫竹

古來畫竹多少人葉葉枝枝轉成幅獨有中書似老

文解道胸中有成竹辛苦欲得此君意屢歲清齋斷  
葷肉偶然興到始一灑萬壑寒聲忽滿屋秋殺春生  
併一時幾株抽葉幾株充披紛蛇虺爭屈伸數寸已  
覺千尋足中書醉墨滿人間此幅風神更不俗勸君  
風雨好收拾葛陂恐與蛟龍逐

卓小仙草書歌

莆守寄我卓仙書北窓閒佇時玩展吳人本慣見龍  
蛇對此真形驚走轉瓌譎東海黃公符蒼古太廟姬  
王琢曲處素娥歌舞腰勁來壯夫捩狼銃藤纏老樹  
千尺挂鷹攫寒厓百鳥悞已覺人間出草聖却訝空

中墮雲篆古來草書誰擅場酒旭僧素頗中選漏痕  
釵股那足竒脫帽露頂空漫行雖然奔放不可羈筆  
墨蹊徑未盡遺傳聞卓仙形貌異蓬頭濶口足爪跣  
胸中光恠秘不得漏洩機緘在此卷軒轅道士罵俗  
書寫出靈文世不辨卓仙作字不用手唐生識字亦  
非眼說到手眼兩忘處作者識者俱一莞幾時杖策  
入武夷試問仙郎叩金簡

揚教師鎗歌

老揚自是關東客短衣長軀棗紅面千里隨身丈八  
矛到處尋人鬪輕健謂余儒生頗好武一揖滾滾發



雄辨坐驚平地起波濤  
蠕龍蛇手中現撥開雙龍  
分海嬉攢簇兩蛇合穴  
戰爭先儘教使機關縮退誰  
知賣破綻目上中眉  
左傳猶自哂綿中裹鍊那能見  
滿身護着不通風百步攔來激沅電飛上落下九點  
丸放去收回一條線問君何爲技至此使我馮軒神  
駭眩答言少小傳授時五步七步畫地踐邇來操弄  
三十年渾身化作枯樹斵心却忘手手忘鎗眼前只  
見天花旋乃知熟處是通神解牛斫輪安足羨因君  
亦解草書訣君鎗豈讓公孫劍

古鏡歌

瞿翰林來自汴西亭王孫寄此

美人昔日開匣時兩面含嬌自矜戲一朝委世拋珠  
玉獨殉此物不忍離埋沒土中幾何年大塊爲工再  
鑪鞴砂精永火日夜蒸噴作丹朱滿身瘧中疑一點  
秋露珠宿世銅胎盡銷棄有如鍊骨老臞仙血肉都  
捐祇靈氣神物安能久藏匿化作白蜺躍出地銀鏤  
細細髮髭紫瓜皮津津流水漬山人何處得此寶王  
孫遠自夷門寄良工爲我重開闢一鈎剖出千齡閱  
初時混沌蟠玄黃倏忽晦明分面背清輝逼人心髓  
寒驚詫蟾蜍墮簷際却憶朝朝鏡裡人已謂衰容止  
如是今朝覽鏡咄自驚短髮絲絲見凋敝濕灰餘色

轉分明皺縠新紋大髻髯雲臺勲業已如夢名山著  
書安可冀本欣始識真面目回首壯心一憔悴照罷  
還如未照時好醜依然都不記

峩峩道人拳歌

浮屠善幻多技能少林拳法世希有道人更自出新  
竒乃是深山白猿授是日茆堂秋氣高霜薄風微靜  
枯柳忽然豎髮一頓足崖石迸裂驚砂走去來星女  
擲靈梭天矯天魔翻翠袖紺談含沙鬼戲人髮鬢磨  
牙贊捕獸形人自詫我無形或將跟絰示之肘險中  
呈巧衆盡驚拙裡藏機人莫究漢京尋撞未趨捷海

國眩人空料撒番身直指日車停縮首斜鑽鍼眼透  
百折連腰盡無骨一撒通身皆是手猶言技癢試賈  
勇低蹲更作獅子吼興闌顧影却自惜肯使天機俱  
洩漏餘奇未竟已收場鼻息無聲神氣守道人變化  
固不測跳上蒲團如木耦

日本刀歌

有客贈我日本刀魚鬚作靶青絲綆重重碧海浮渡  
來身上龍文雜藻荇悵然提刀起四顧白日高高天  
冏冏毛髮凜冽生雞皮坐失炎蒸日方永聞道倭夷  
初鑄成幾歲埋藏擲深井日淘月煉火氣盡一片凝

冰闌清冷持此月中斫桂樹顧兔應知避光景倭夷  
塗刀用人血至今班點誰能整精靈長與刀相隨清  
宵恍見夷鬼影邇來韃靼頗驕黠昨夜三關又聞警  
誰能將此向龍沙奔騰一斬單于頸古來神物用有  
時且向囊中試韜穎

劍井行時有白氣屬天

仙人擲劍不記年至今光恠猶未歇薄蝕日月騰金  
晶青天倒挂雙白蜺曾斬妖蛟帶腥氣寒泉滿甃誰  
敢汲只恐仙人求故物但看水底飛霹靂

爲謝叅政與槐題青白蓮畫

紛紛滿眼盡紅粧忽然見此青白色並挺孤標出倫  
類豈特中通并外直不緣太潔遭染汗自爾天然去  
雕飾西山賊夫斷煙火南州高士力稼穡對花疑是  
此二人良工託物象其德寫貞直欲空諸相詎肯輕  
着一點墨世人只將肉眼看道是紅粧正堪翫金陵  
謝兄善識花每對此花再三嘆謝兄卓犖不俗狀已  
有聲名動藩翰願言永保金石心不負此花長作伴

悼僕鈕才

昨日裝書書滿箱恰如鳥盡良弓藏白中餘藥正在  
搗猶似平生事未了幻泡本是無常期咄哉一病不

週時游塘風冷白楊樹堪記年年課租處

重刊荆川先生文集卷之二

重刊荆川先生文集卷之三

詩

病中秋思八首

閒對江楓誦楚騷病容秋色偶相遭  
一身萎蕩同衰葉雙鬢稀疏似毳毛  
衣冠已褫甘牛馬文字終捐是粕糟  
但使盡空諸所有不妨一醉笑如陶

宿生輦血病來消掃室焚香意自超  
坐與蜻蜓俱歇午吟隨蟋蟀共鳴宵  
看雲种放終踈散嗜酒楊雄只寂寥  
已覺閉關成僻性公車何處欲相招

法宮侍從昔承恩班列貂璫近  
至尊字辨豕魚緡



帝典

曾校實錄

筆迴星漢注詞源獻書開閣三公第校

射分朋七貴園俟罪江潭今幾歲清秋回首泰堦垣

塞垣萬里事防秋選將分兵出帝州白馬幽并游俠

客金堯肺腑冠軍侯請纓曾抱迂儒志借筋誰當幃

幄謀已酉年來堪竊憤翩翩胡騎入關游

液池梧月冷金沙戶縮天河織女家蘭麝氛氲知賜

浴芙蓉撩亂覺分花龍舟習戰鏡中曲虎旅傳更馬

上笳老去張騫皮骨在秋來猶憶舊時槎

學仙曾欲訪王喬中夜頻將一氣調杳杳洞房開禁

鑰微微面月上清潮色濕灰時人莫識夢鈞天處語

難描悵望新秋蒲柳思塵綠猶絆鬢先凋

何年海上入妖氛滿地樓臺盡一焚刃露雪霜驚壯

士陣翻蚩蝶掃疲軍

倭夷有蚩蝶陣

星河避影宵烽逼砧杵

停聲哭巷聞野老無能效籌策空彈長鈇對秋雲

遠游當日意何如楚越風烟一棹餘湖斬鯨鯢先

帝跡山圍龍虎異人居閒坐清谿談劍術深探古穴

訪仙書試問同行相憶否一秋多病閉茅廬

病中秋日作四首

藥裹牽纏歲半徂秋風先自到江湖榮枯草色占鷗

鷓深淺潮頭候荻蘆吳地連年盡豺虎野人何處覓

尊鱸亦知不是獨醒客與世浮沉糟可醕

扁舟繫纜且休徂秋旱川流未灌湖衰齒病多諸品  
藥貧家薪少半圩蘆稍能鄙事催孳豕偶戲仙方看  
釣鱸自署醉侯常是醉君王不待賜恩醕

一身之外不知謀若道謀身病未瘳居並野僧方結  
夏身隨稿葉又經秋肥猶似鬼臞何狀少不如人老  
合休忽報吳門兵燹盡古來佳麗說南州

愚公本自拙于謀癖在烟霞况未瘳蟬響蛩鳴分晝  
夜寒灰稿木混春秋鑿方百試增身病藿食終年與  
世休責守一無聊自慰且忘倭寇過蘇州

有感

百步飛刀賊勢雄連城刮地泣途窮誰供秋稅畊農  
盡將授寒衣杼袖空星字仲尼書北斗兵交師曠訐  
南風六州節制憑元老會剪兇渠早奏功

道家人說道中語開口便是先天後天無極太極  
兵亂中人說兵亂中語開口便是干戈搶攘之狀  
蓋亦各會其所遭也使兵亂中人讀道人之詩則  
雞狗殺戮之憤躍馬除兇之氣便當一笑灰冷使  
道人讀兵亂中人之詩其亦有愀然而措眉勃然  
而扼腕者否耶

陳渡草堂二首

皂衣非復漢庭郎，蔽緼深冬卧草堂。貧薄不羞畜牸，  
計沉浮也逐鬪雞。行殘書閣盡經句，病異味嘗來百  
草香。獨愧頑心猶未化，十年學道幾亡羊。

近市偏逢食有魚，閉門不問出無車。牛衣聊自對妻  
子，蜡酒時將洽里閭。世網幸踈如野馬，微名猶在愧  
山樗。亦知農圃真吾事，春至頻翻種樹書。

小樓宴坐二首

不入名山不世間，嗒然隱几置遺編。身名瓦礫宜居  
後，人事蚊蚋任過前。抱樹蛻蟬司化運，隔窓風竹發  
真詮。未登道域終難罷，微管還須學測天。

涉世已如入夢蝶居身未作脫鞵鷹自疑戾契

戾契見韓

文俗呼

終爲病欲學墨屎

墨屎見列子俗呼眉西

又不能金老

相逢知法器慈公頗訝似禪僧牛乎馬也從人喚惟

一迂儒是本稱

嘉興金道士三十年不下牀亦三十年不開口冬

夏一絮被自擁余叩之以指畫卓許余入道慈舟

者蘓之名僧也余見之不告以姓名渠深嘆異以

余爲頭陀相也

又疊前韻二首

到處迷陽不記年村中曆本逐時編寒鳥滿野成禾

後社燕辭人落木前戒酒劉伶終酒性遣言摩詰亦  
言詮青天自是無逃處何事靈均更問天

混合高低齊鷄鳳經過老少變鳩鷹屈伸禽戲憑何

訣篆刻蟲雕誤謂能盡日閉關非酒聖

文中子稱劉伶古閉關人

廿年猜謎是番僧

余與翠峯僧往來酬對者廿年

此身本自無勛兩

月旦先生若麼稱

莊中作

帶郭頃田屋一尋歸畊自許力能任浮沉  
表盡嗤驅狗廉侈王陽訐化金貯麥舊  
庾將易穀行鞭新竹漸成林計然七策皆無用  
小試經綸底似今

自述

避人不敢厭高深  
逃影何如學息陰  
楚客又成蕉鹿  
夢漆園未了是非心  
紛紛世事看花發  
默默天機聽鳥吟  
可笑維摩真病在  
無言說處是金鍼

有相士謂余四十六歲且死者詩以自笑古人云死生亦大矣此謂趨日力以進道者言之也苟不進道總是虛生修短何辨焉苟干道有見處夕死可矣然則死生詎足爲大哉

本是癯然山澤士  
衰年況自不勝衣  
色常帶墨綠辭  
肉形或如灰似杜  
機睢于久謝偕來  
衆蹇拙何心知



我希世人莫詫方舉眼相馬由來失瘦肥

殤子彭聃誰夭壽百骸九竅孰踈親若過顏氏十四  
歲便了王孫一裸身三載濫叨金馬客幾人共坐絳  
紗春即今已似前生事何待他年跡始陳

人情世事古猶今寂寞空林寄此心賢聖不分聊中  
酒虧成忘盡一開琴有書終日只掩卷無病長年亦  
擁衿即使癡然似桑戶未逢點也是知音

學道曾窺天壤意寒儒又是膝孿人只言蔡澤有限  
壽誰見壺丘不定身貴客懶迎長謝病薄田可飽敢  
稱貧後來不用問修短已占溪山四十春

囊癰卧病作三首

節候經春日日陰寒衿獨擁閉門深終朝鍊液非仙  
氣幾歲懸虎是雨淫焦火凝冰鐫瘦骨兒痴女長試  
灰心總緣病裏悲歌意不爲離鄉也越吟

春半忽驚狗馬疾年來似是龍蛇辰謝醫少錢長卻  
藥煖骨累袖聊借人味爲補虛一試肉事求如意屢

生嗔正愁未了形骸外生老病苦只此身余平生無  
厚褥止一

褥既薄且敝病骨覺冷硬不堪也乃從親人家借一  
褥觀之平生有厚褥與重褥自今始而余素戒肉養  
病乃  
肉食

頻年喪我几堪隱到處逢人席任爭疣贅勿嫌能後

性支離番笑足全生野蔬入口勝甘脆病骨先時卜  
兩睛苦訝道人長好懶如今懶病果相成

濕入病骨  
覺爽然則

晴覺痛楚則  
陰雨至矣

瘧病作

蹠蹠柳肘盡欣然深隱烏皮也自便金冶由他不由  
我狼胡是病亦是天身先辭宦猶中熱衣未經秋已  
着綿炎涼反覆湏臾事一疾番令悟世緣

小集爲人所刻

文學從來本不長隱居辭說半猖狂徒令後世能疑  
孟軻覺前身似姓莊玄白何分終覆瓿穀減奚事總

亡羊從今已息揆天口只著農桑一兩章

靈芝寺同童元功宴坐

湖上高樓縱遠心復沿湖岸過東林身閒似帶烟霞  
氣地冷無無鐘磬音冬裏寶珠應自信苑中靈草試  
相尋坐來忽散千峰雪對爾無言意轉深

登屠翰林仍臺作二首

太史仙臺多勝槩正臨攜李古城東五色雲生知海  
近四圍山遠覺天空閒居作賦青春後幾歲鳴絃明  
月中不是掖垣同宦侶閉關那許得相逢

一上高臺興不孤望中總總入虛無烟霏春變陰晴

氣草樹天輸海岳圖對酒笑將花是伴銷憂誰問土  
非吾知君苦厭文園卧此地能令肺病蘓

時屠久  
卧疾

次人憂旱作

歲歲吳儂事水耕朝朝占雨愁雲輕澤中不聞鳩語  
合田際但見龜文生野老舐糠猶自得書生炊桂亦  
何情東南生計已如此聞道山西又點兵

再遊清溪莊值主人不在次韻

桃樹臨溪思不禁扁舟重問草堂陰西湖水落黿鼉  
石南國霜清橘柚林堊際流泉宜稻性窓前過鹿解  
人心憶君剪徑相迎處今日蓬蒿又已侵

至常熟陳中丞白訓導邀登福山看海二首

春早湖山兩半晴  
有客邀我觀滄瀛  
澤國冥冥蒸海氣  
石灘淺淺聞江聲  
日月迴旋一島小  
小金銀色相十洲明  
微風向夕送清響  
應是仙人吹玉笙

火綠迫陜悲時俗  
海嶠春臨思若何  
地湧龍蛇爭起陸  
天投星斗橫翻波  
封疆坐覺華夷并  
氣候常看霧雨多  
才謝枚生能作賦  
觀潮恰對曲江阿

金澤寺中寄松江友人

澄湖昨夜雨初霽  
驟覺春衫寒意多  
遠浦草青送歸鴈  
夕陽潮上生微波  
戲窺佛偈翻金字  
靜卧巖扉掩

綠蘿伊人只在蕪葭外獨對清尊柰爾何

松江金澤寺四首

東南巨浸五湖深古寺維舟正夕陰客到山僧罷清  
磬雀誼晴日下高林夾洲烟火三家市滿目蕪葭萬  
里心徙倚不知餘興盡月明還擬聽龍吟

三江抱處勢如環野客探竒住不還一望樓臺疑海  
上稍聞雞犬覺人間幸無漁父知名姓且與山僧共  
閉關自笑歸來張季子春時蓴葉未堪攀

何年此地開金刹宋代流傳直到今聽法石將山竹  
幻護經龍與水增深爐烟裊裊知塵性栢樹青青見

佛心可是攀緣渾未盡  
天花猶自惹衣襟

水國餘寒芳草稀  
偶隨烟艇問山扉  
窓中惟石如人立  
天際孤帆伴鳥飛  
高齋盡日逢僧語  
短褐經春換客衣  
吳江亦是垂綸地  
笑指星文愧少微

天寧寺塵外樓四首

瞰郭樓臺誰共登  
偶携仙客對山僧  
林烟渺渺人家盡  
堦日微微花氣蒸  
浮世閒看飛鳥過  
機心不遣白猿騰  
平生自笑支離甚  
散髮行歌此又曾

名山不用遠攀登  
暫借繩牀我亦僧  
幾樹鳴禽助禪寂  
一簾修竹散炎蒸  
捻花不盡心傳妙  
對塔空將口



說騰俛仰百年成滾滾  
乾坤隻眼更誰曾

金門十載笑重登  
歸去仍依白社僧  
虛館靜聽宵蟻  
戰遠山時見夏雲蒸  
已甘散櫟終年計  
耻逐冥鴻萬里騰  
爲問洛城冠蓋侶  
髮毛銷盡得閒曾

閒裏香臺盡日登  
嘿然一笑又逢僧  
衣裁野薜緇塵  
淨飯試山精  
石鼎蒸大士  
西方談實相  
仙人東海說  
飛騰人間多少  
亡羊路一  
一行來也未曾

題湖上廢寺二首

禪宮舊枕清湖曲  
與客尋幽試共登  
獨樹春深初著  
葢空山行遍不逢僧  
臺荒曾與施烏食  
城化徒聞駐

鹿乘惟有松房明月影年年長似爲然燈

古寺無人晝日開陰廊寂寂長莓苔何年飛錫老僧  
云此度折梅狂客來迸水乍如聞梵樂踈松猶自繞  
香臺人間俛仰成今古何必昆明有劫灰

題龍池菴三首相傳伏虎禪僧開山處山頂有

龍井蜥蜴見則雨

遠遊爲訪白雲巖轉盡孤峰路更南龍見小身時出  
井虎馴大士舊開菴禪心客思俱潭水古佛寒松共  
石龕坐對老僧無一事夜深相與說楞嚴

精廬原寄北山巖新築高齋過嶺南谷窈窕間還密

樹石孤危處更虛菴聽經野鹿頻窺戶宴坐山僧不出龕客欲逃禪無可醉遠公於酒禁方嚴

霽後嵐光散曉巖望中佳麗盡東南三春蘭蕙堪成畹千里湖山併在菴馴鴿下時呈佛性飛鷹宿處見僧龕維摩今日還多病酬答誰將究妙嚴

贈菴中老僧僧解相人術少嘗遊歷江南晚歸

菴中

早從祝髮事樓巖為禮名師每向南

用華嚴事業淨六根

成慧眼身無一物寄菴厨邊引澗寧須汲松下翻經幾到龕若使焚香能證道前身應說是香嚴

嘉靖丁未春余以病客荆溪遂同杭子宣登龍池  
僧居嵌巖中如鳥巢梯其門以登值二老僧相對  
煨笋遂以笋供余二人因留宿與老僧坐至夜分  
談說楞嚴因緣事老僧意甚朴野可愛也明日曉  
起嵐氣滿山乾坤如混沌狀塔前竹栢亦在摩蕩  
中咫尺不可物色日且午始開霽則諸峰歷歷澄  
湖隱映樓觀草樹百里之外若在几前蓋宇宙間  
晦明不常若此既午出往石屑石屑兩山夾澗山  
高百餘仞而澗道僅闊四五十步人家緣澗以居  
惟亭午則見日色蓋其勝又與龍池異觀矣既午

飯遂從西霞步入舟意興悠然如有得也嗚呼此  
豈可與沉酣聲利者道哉遂書以貽子宣使藏之

游宜興海會寺作

逕路緣溪不知遠忽然身已入峯腰深山恠石如懷  
寶暗谷懸泉訝聽潮僧比封君千頃竹人稀農畝萬  
家樵遠公不厭踈狂客試結茅廬共寂寥

贈黃子晦

故黃教授子

賢舍相逢憶聚星予慚入室爾趨庭子長能繼先人  
業王吉曾承博士經萬里風烟還命駕廿年踪跡已  
如萍衰顏重感青衿日一笑尊前喜媿并

寄周臺官二首

時余將往南都

南臺分署沐恩初，官是疇人世業餘。  
龍吐珠璣天地轉，星塗黃赤石甘書。  
泰階平處瞻雲闕，玉漏清時直禁廬。  
應有道人扣關者，試看紫氣近何如。

文史元隨供奉間，南都祕省更清嚴。  
沙書暗譯西蕃曆，草奏多陳南極占。  
日下有雲朝紀瑞，臺中無事畫垂簾。  
倘覩少微思處士，漁樵已判此生淹。

家居喜袁芳洲相過賦此為贈三首

相逢京國最情深，休沐歸來每共尋。  
異品對食呈海味，道衣便坐解朝簪。  
迂踈北闕上書日，寂寞江潭俟

罪心已分與君成契濶一杯還此幸同斟

憶昔曾同念菴子歲寒訪汝深雪邊別開間館屏人  
語不解朝衣藉草眠琴意相傳中散後玄言每到滌  
園前正是江東暮雲處再逢携手一悽然

四十支離一老夫衰顏恰比列仙臞鑄金不驗身多  
病種樹無能圃半蕪長日閉關聊嘿嘿短衣迎客笑  
拘拘知君昔日探玄意定有真詮肯示予

次韻贈薛仲常

山林鍾鼎性俱安官舍寧非在澗繁此日心情真似  
水平生臭味本如蘭閱世方皋誰牝牡認真桑戶且

衣冠祇應黃馬

春泉溪田

頻來往春日江楓共倚欄

歲暮有懷諸子

歲暮蕭條只自如南州高士久無書

達夫

樗材在野大

何用種髮經年短不梳剡水驚心溪雪後

汝中

隴山飛

夢嶺梅初

景仁

祠郎消息憑誰問萬里昆明是謫居

叔仁

贈張贛州致仕還吳次達夫韻

田園舊在海東頭海上新歸張翰舟種菊不辭三徑  
晚採萸將及五湖秋人情歷盡惟看奕世事忘來獨  
好樓剩有著書心尚在知君原不爲窮愁

贈宜興王丞次韻

王蒲州人



官粟還能五斗無，年來只是憶樵漁。  
道知戰勝臞猶在，詩爲身窮思獨殊。  
耕稼吾非徐孺子，才華爾亦阮元瑜。  
他年更向龍門隱，爲念江皋一腐儒。

答朱刑部士南見寄

清齋偃息灌園餘，疇盡春禽又夏初。  
對客不須妨蠟屐，占年常自檢農書。  
六經註腳吾焉敢，五岳行踪或可如。  
宣室正須公等在，野人只合掩荒廬。

同萬鹿園宿工文菴次韻有贈

何處尋山不厭深，淡烟歸鳥暮鐘音。  
去家百里訝如客，別爾經年尚此心。  
宴坐清香滋夜氣，閉門殘雪映

寒林相從一宿應堪覺機事何須問漢陰

次葉師與諸生講書鐘樓寺聞鐘作

早歲傳經髮已斑寄身精舍渺人寰苔邊屨跡堪盈  
戶花外鐘聲正掩關驟覺海潮生靜夜却隨仙梵響  
空山先生嘿嘿隱几坐試問諸生醒夢間

養病道院忽張君見訪不值奉寄

生涯歲歲藥囊間已息交游亦未閒土木形骸真覺  
稿蓬蒿庭院只常關偶隨道侶學會戲忽枉高人題  
鳳還此夕知君向何處多應弄月卧江灣

答贈胡栢泉

赤囊前日奏邊書  
皂帽何時掩故廬  
鳴劍豈知孤憤切  
請纓爭笑少年踈  
自甘淡泊看松菊  
耻學浮沉逐里閭  
春日黃鸝西澗草  
憶君歸去灌園初

送郭無錫擢南曹主事

郭侯齊魯推名士  
暫屈清才縮縣符  
折獄一言驚老吏  
洗心終歲比冰壺  
南曹已應郎官宿  
東國常懷仙令鳧  
野老殷勤何以贈  
益崇明德永嘉譽

贈督府張半洲兼柬周中丞石崖四首

威名昔日動南荒  
斧鉞重分定海疆  
八鎮大臣承節制  
六千君子備戎行  
若營內險無如海  
但練沙兵畧

用狼師老寇深為日久佇看石畫一更張

壯猷元老舊文儒羽戚雍容禮樂餘吳起援枹休進  
劔韋卿對壘只有輿撫士嚴冬挾重纊屏人半夜草  
陰符復道降人為我用三吳深雪正擒俘

無知醜虜恣魚虢誰識元戎廟畧饒七策謀臣陪後  
乘三鏢蠻騎護前茅計藏處女深堅壁勢激驚雷迅  
擣巢民夷連結禍未已上計由來是伐交

挿羽飛書入建章帝親推轂任才良東南大畧輸公  
瑾尊俎竒謀仗子房人家半是焚燒後禾黍又成荆

棘塲為將先須固根本諸公深計在民瘡

尹洞山祭酒枉顧草堂有作見贈次韻二首

相思幾度夢中迷，却望金門隔石谿。  
騏驥合馳千里足，鷓鴣分老一枝棲。  
門纔通水勞移棹，篋尚藏書借照黎。  
更羨君如遠祖喜談玄，一泓自關西。

獨持鳴鐸啓群昏，南北諸儒盡在門。  
身繫蒼生人望久，道行世子國師尊。  
過憂治世常如病，實契真詮不着言。  
別後知公心事在，每占台斗坐孤村。

又疊二首

感時愁見海氛迷，抱拙空知卧一谿。  
秋盡龍蛇還起陸，月明烏鵲正驚棲。  
儒冠本不閑軍旅，肉食誰能念

藿藜對子杞憂方一寫明朝車馬又東西  
檮散無能任醉昏蕭然帶索掩衡門荒庭久已無  
綦履上客何期共酒尊籌國賴君三寸舌著書強我五  
千言擁衾相對渾忘寢弦月微微上遠村

贈都督萬鹿園四首次思節韻

幾年枯寂學全真一握兵機運鬼神驕養義兒皆判  
死灰心禪客亦投身獨承利鏃生如剩徧散黃金家  
益貧直欲填橋跨滄海先聲萬里走波臣

暫脫荷衣事鼓鞞從軍亦復有新詩犯難甘爲智士  
笑還山肯顧道人期申胥自信知天定李廣何心計

數竒尊俎運籌今已就潢池跳躍欲奚爲  
許國誰能似爾真每憂時變幾傷神試看養亂偷生  
將共是腰金拖玉身杆軸千家愁命盡轉輸萬里嘆  
師貧饑饉干戈今並急謨謀全仰二三臣  
寒宵清嘯雜征鼙撫劔劉琨本善詩開幕待降収死  
力隔江遣謀刻還期功湏因敗番成巧筭恰當機不  
見竒長子帥師今在爾道傍築室莫輕爲

詠俞虛江叅將四首

將軍意氣更無倫感激寧辭血戰頻手搏鬼夷嘗百  
種身懸鯨海歷三春掃空巢穴多深夜奪得餘艍祗

數人此日渠魁當授首策勲早見上麒麟

知君兵計原儒術儒術深明計轉工洞識天符非候  
氣妙窮火力不因風巨魚射處波神遁雄劔鳴時水  
恠空却笑賊徒能負險幾人闌闔劫灰中

昔破交夷尚少年秘經曾自白猿傳一軍盡署滄溟  
裡百戰常居士卒先龍爲求群窺劔匣蜃因吐氣護  
樓船尋常啣齒非無爲不盪三韓誓不旋

絕島諸蠻次第芟中宵蓐食理征衫艙通木井三年  
水樯轉銅烏萬里帆軍斗稀鳴人莫犯身衣常解士

爭銜功成他日誰能頌海上磨厓大字嵌



送曹子恭自大理出守漳郡

兵戈南徼方多事佩印特煩良牧來于公治獄元無枉孟綽持廉也有才山稅積荒勞撫字海甬負險費招徠要使經營收異績未宜拘謫按常裁

萬思節以集中無名作詩見貽二首

學道頻年慕屢空支離猶墮語言中不是班生表人物徒然楊子戲雕蟲書字書名吾豈敢得皮得髓子應同他年郊時傳中說倘借名卿孰過公

卑北三載愧儀刑學術那堪立戶庭顧我自知太玄白如君本是出藍青老去門徒多謝遣病來意緒轉

沉冥高賢豈訝無名藉十哲由來是俗稱

萬思節工於詩而近又學射次韻答之

衣鉢寂寥吾且老文章鍛鍊子能工一源已謂出天  
稷六義還須繼國風深窮別趣元關理力造奇言不  
露鋒便是詩家射雕手何須射藝又兼通

勉和原韻稍復着意亦竟不工豈造物者欲讓子  
出一頭地耶一笑往往來來多值婚嫁牙檣錦纜  
蒼頭廬兒照耀河衢而吾內人與令愛乘一葉之  
舟可謂蕭然雖然若使吾與思節肯借力於有司

及親戚富人奚啻與傭兒較一冷煖哉易所謂不

如其姊之袂良轉覺彼爲俗吾爲雅也雖然此猶有計量心在也各歸其家則路中冷煖雅俗俱渡川之棧矣俱忘之矣要之有求之便宜會盡而不求之志常在也世間大事小事一切何以異此然不知者其無謂我爲解嘲戲語乎書此以奉思節知思節之意與吾同也

次萬思節韻蕭芝田二首

屠龍老已知無用一遇時艱見術精  
焮就戈矛皆吐火幻成獅象總疑兵  
空中墮語人無跡地底藏雷賊不驚  
戰勝何心邀重賞由來只欲賭聲名

共說火攻爲上策秘方誰復似君能石飛隄使晴鳴  
電機轉真疑夏造冰魯國雲梯猶自拙楚人燧象未  
須驚么麼倭鬼那堪筭破虜橫行記昔曾

題王世新一枝窩三首

蕭然環堵傍湖坳半瓦參差半覆茅鍾鼎相傳精古  
字戶庭不出玩初爻紛華燕雀窺金屋空曠鷄鶻占  
海郊榮寂兩忘非所事一枝聊爾寄吾巢

自笑名場久脫羈敝廬歲歲理新茨試看繞樹空三  
匝何似巢林寄一枝閒行蓬藿孤飛處晏坐榆枋歛  
翼時寂寞漆園千載後心期應只許君知

希世從來謝不能  
虛閒每與道心增  
交游息處孤松對  
今昔忘來一几憑  
夜讀陰符羞說劍  
醉過白社偶同僧  
如君自以鷓鴣比  
借問何人是大鵬

夜歸陳渡草堂時新與諸子別去有懷二首

野夫也復到城市  
日暮還尋四壁廬  
蛩響露餘將入戶  
人歸月裏又離居  
坐憑烏几都忘我  
起對流螢且廢書  
正憶青衿同舍子  
別來秋興各何如

自擬身名如鄭圃  
宮環半畝日長高  
褐衣頗笑非懷玉  
第屋何因却聚星  
樹底蟬聲希鼓瑟  
燈前鳥字一談經  
試言吾易將東去  
未識何人是姓丁

癸卯送仲第正之赴試

偶因今日送行處尚憶當年聽鹿鳴  
馬氏白眉占仲子吳門霜鬢愧難兄  
秋來一雁寒江影天外三山古  
帝城此去騫騰非所羨期無溫飽負平生

己酉送兩弟正之立之赴試

秋水芙蓉映綠衫殷勤送爾到江潭  
人能鳴世慙三鳳家有遺經是二南  
文入妙來無過熟書從疑處更  
須參遠游他日看之子下澤款段吾已堪

送諸從游應試二首

一壑謀身世所踈幾人相伴此閒居  
月懸山館談經

處雪壓林皋宴坐餘向來衣鉢吾將付先輩文章子  
孰如亦知雅志輕青紫好及明時早上書

幾年山澤共淹留今日公車且見求楊柳扁舟吳苑  
夕梧桐雙闕漢京秋清時元不棄寒士白壁誰將笑  
暗投都下逢人說論語莫言師授是張侯

送馮子聲赴試

與君硯席辱周旋義理蠶絲每共研穎悟最居德祖  
後聲名愧出照鄰前身同槁木甘吾隱賦就凌雲羨  
爾賢莫道孫弘曾不遇漢庭推轂在茲年

送楮生滔赴試

父撤臯比絕來往  
偕生時復歎柴門  
文有波瀾堪得髓  
座無笙管只清言  
客心落葉秋江繞  
別思平蕪夕鳥翻  
此去期君戰勝後  
歸來正對菊花尊

鄱陽別方道人

戶庭不出已多年  
千里隨君意豁然  
飲醉或歌還或泣  
鬢蓬疑鬼又疑仙  
詎知衰鳳堪爲笑  
且學塗龜得自全  
今日別離何足恨  
終期共住白雲巔

中秋夜同陳澄江張夢麟城壕泛月

森爽秋逢三五中  
霜天雲物坐來空  
河灌百川還小艇  
寺藏荒野亦踈鐘  
客嘯忽聞清唳鴈  
月圓真訝吐



珠龍疑君與我皆仙骨身世何須更挂胸

和張尚書甬川新修池亭奉母登憇作

聖朝耆舊位登三綵服公餘樂更堪東洛撫師雙玉  
節西園奉母一茅菴春暉映處花侵戶冬笋成時竹  
上簷聞道閒居新作賦承歡養性此能兼

贈蔣璞山封君

主事宗魯之父

早游鄉校已知名曾與賓興聽鹿鳴修行明經爲博  
士夏弦春誦課諸生官無鼎食千鍾願老有鄉園十  
畝情更笑羸金何所用仙郎作吏比冰清

贈張通政

五湖舟楫是家居篋裡惟携老氏書  
幾日陸沉門下省一生心跡海東  
漁賓常滿座嫌猶少行不齋糧任  
所如陽羨山靈相望又獨能無意  
命中車

用韻自述

南村北郭任吾居懶散何心更著書  
小酌或能稱酒隱直鈎聊復事溪  
漁童時篆刻堪爲笑病後形骸漸  
不如若道猖狂今又甚窮途猶自  
未迴車

壽張通政

蚤耽玄寂謝塵氛身隱猶嫌名可聞  
自着道衣辭漢闕因尋仙籙禮茅君  
行隨勝跡曾無住藏向名山更

有文南國夜來占氣色少微渺渺動江雲向子山更  
壽陸師慎齋七十

廿羊不向市城行閒看桑麻自長成道貌肥來知戰  
勝儒冠挂後覺身輕北窓意味人千古西序聲名子  
一經髻鬣門生今白首稱觴還聽後堂笙

曹霜崖六十

曹生恬之父舊官御史

道人容色自矍然幾歲江皋躡紫烟謝氏家兒如玉  
樹周時柱史是神仙鼎成靈藥方皆驗書貯名山世  
未傳懶散自憐蒲柳質相從擬欲學長羊

司訓殷龍巖壽詩

文東之父

白頭博士早懸車鳩杖扶身八十餘甲子暗占絳老  
歲今文口授伏生書清尊只許通門客隱几何心出  
里間應笑贏金無所用仙郎才藻更誰如

楊醫士六十

衣裁鶴氅鶻爲冠數卷方書一草菴絳縣老人知幾  
歲太倉仙令却多男不爲避人居郭外每因採藥到  
山南年來頗訝嬰兒色道術從知宿所探

褚怡閒六十 滔之父

古來仙客說長髯今日髯翁亦是仙家近縣門不識  
令身居城郭亦耕田鳩形正可供杖亥字還看紀

歲年共羨高門將有待賢郎文藻更翩翩

贈宜興閔翁八十壽詩

古貌翛然山澤臞力田還是漢人餘火語汜勝齊民  
術閒讀周侯風土書桑榆曖曖隨行徑弟子訢訢與  
燕居駟馬從來足憂患羨君身世更何如

周子隱有陽羨風土

記

贈天寧寺僧八十

化城東畔駐三乘祝髮從師記昔曾頻着袈裟迎上  
客自分齋飯與遊僧談經幾夜窓飛雨削杖先羊手  
種藤因笑馬鳴身已老欲憑弟子爲傳燈

懷竹叔壽詩

叔善畫傳自乃翁

門傍清溪長自扃陰陰藜竹繞幽庭地偏南郭人堪  
隱秋盡東籬菊正馨笑傲百年惟稼圃風流兩世擅  
丹青不須海上求靈藥元是江邊老歲星

楊醫士壽詩

東亭先生富道術隱居城郭似江湖隨身長挾雙白  
鹿入市只懸一玉壺社中漸覺推前輩門外從教滿  
病夫子亦文園高卧客年來肺氣爲君蘇

贈丹陽湯孺人壽詩

少年爲婦舅姑前及見黃門正拜官喬木門前經幾

世曾孫膝下且勝冠中厨列鼎堪調膳永夜真心憶  
和九閨道仙郎拜嘉慶沾恩新自五雲端

謁文敏楊太師墓次江提學韻

野狐三度扈王師諸將從公受指麾  
賜解御裘冬  
覺煖詔裁密肯夜常隨前籌不數貔貅力未命仍歸  
喉舌司萬里回鑿驚駕晏軍中未有一人知

北郭謁宋鄒道鄉文忠公墓

宋代已經三易世忠公遺墓尚嶙峋敢言有志成慈

母公母張歆公逮罪何期及故人公謫故友王田黃

閣十年終賣主瘴烟萬里合換身已分此生堪客死

魂歸猶是故鄉春

讀東坡詩戲作 東坡卒於武進顧塘橋去余

家數十步

公詩句句寫胸臆一滴水成大海翻方臬牝牡無定  
相曼倩滑稽有至言掃除李杜爲狗語出入鬼神鬼  
儻門異代或疑後身在告終此地招其魂

喇嘛翠峰老僧輓詩三首

枯木寒岩亦未真走盤珠子自精神三食煮菘一生

事

翠峰每食糠餅

屢歲齋僧幾萬人鑄冶金容瞻氣象圓通

天眼悟根因

翠峰得師傳天眼訣

欲上伏牛心未了了心應待



再來身

不事鑿頭不坐禪揚眉瞬目見雄談淨體髮鬚元不

碍

翠峰不煉心妻妾宿曾叅

翠峯爲僧後入俗殿壓曾有妻妾者三年

滄溟功九仞爐開色相佛千龕

翠峯一生鑄佛造無梁殿于浦陀未成也

年年航海精誠在垂沒魂還到海南

自愧迂儒厭俗葷每游香室藉思薰別來常似一臂

失

用莊話又寧容六耳聞人去忽驚函谷履錫飛無

復海東雲憐君鑄佛經千億欲借餘銅一鑄君

錢心漁輓詩

心漁先生不可見尚憶吹簫卧草堂垂綸老作江潭

客得姓元從吳越王貧病一生心自足雲山千里興  
難忘更聞治命真堪紀人世空矜石柳藏

雪詩和蘇韻十首

陰風吹隴麥芽纖歲盡玄冥令更嚴園圃未春先綴  
蓋乾坤如海欲生鹽不妨積處堪高卧預想晴來好  
曝簷縱是未能堅作玉漸看冰柱已垂尖

大地文章散編織小堂風物倍清嚴灑來竹裡迷人  
徑積向巖前訝虎鹽但使曉寒欺短褐獨宜夕影泛  
虛簷瓊花柳絮皆無用誰擬新詞一鬪尖

寒江我亦弄纖纖豈是羊裘人姓嚴履處幸不露足

趾嚙餘真覺厭酸鹽紫雲黃竹千年調白屋朱門一  
椽簷高岫儘教遮蓋盡物情元自碍孤尖

寒臯白草尚餘纖墜戶村村似戒嚴飛舞千峰山吐

練粧成幾樹木蒸鹽填蜀有木鹽病多消渴宜調茗老已

捐書莫映簷強欲摘毫追小謝謝惠連有雪賦詞鋒久避六

朝尖

宛轉素娥腰帶纖迴颺似應舞節嚴三冬恠事驚粵

客古語粵人一夜淒風結解鹽解地鹽遇風則結厭說包羔

歡錦帳思分挾續到窮簷擒胡此日堪乘便誰奪祈

連萬仞尖李靖因雪擒頡利

蕭蕭凍樹晚，誼鴉門外誰來。長者車入夜，俄驚千里。  
月開簾相對，滿空花東郭先生，猶敝履西關。遷客正  
思家，最憐漁父滄江畔，閒倚孤舟，獨挺義。

一片寒原滿樹，鷗幽人掩戶，罷柴車。聊憑濁酒，延春  
色，試向疎梅問臘。花草閣映來書，幾卷江城積處月。  
千家此時忽憶，荆溪道雲際，雙峯聳玉義。

初看朝采颺金鷗，倏見玄雲隱日車。恰似幻師能作  
霧，却驚翳眼驟生花。細編暫借簷前影，銀閣常思夢  
裏家。笑道非鹽亦非白，禪機一指爲君義。

空城無粟噪饑鴉，陌上紛紛正滿車。積礪暗隨泉並

滴入簾應與筆爭花芻米驟高新歲價柴扉旋掃野  
人家客來此日須沽酒梁上青錢那得義

巢風欲動始占鴉空裏愁翻百寶車葱嶺未消阿耨  
水珠林忽散鬢陀花故種猶在能禁冷好客相尋懶  
卧家且似瞿曇逃世網雪山跏坐足爲義

家僮自野田携黃菊二株至軒中感而有作三

首

曠野陰陰萬木霜誰携數蓋到茆堂冷質本非堪競  
秀開情敢謂愛孤芳在野寧辭衆草掩入簾聊作滿  
庭香自笑吾生花興少欣然對爾亦相忘

余素不好  
花見此不

覺有喜意豈真所謂花之隱逸者耶

已拚寒谷不須媒讓寵何嫌並朶閒花意幽閒當艷麗天心霜霰是栽培得陽逸客曹騰醉姑射仙人綽約來寂寞於人誠少用試將服食制齡顏

不沾春色也穠纖小院踈籬秘靚嚴人比孤花清入聖天然真味淡非鹽未須採摘供調藥爲嗅馨香置近簷落英好護餘根在來歲還看茁玉尖

此首用坡公雪詩韻

漂布架二首

皎皎亦知塵易染置身特在半虛空素娥罷浴仍餘

濕靚女憑高欲御風潮翻淨練江樓上霧捲輕綃海

市中不向太陽蒙一暴剪裁誰使得成功  
娟娟素質寄孤標出浴仙娥濕未銷弄影自知迎日  
早慙虛特覺去塵遙將乘灑氣晞冰骨一任輕颺颺  
舞腰移向海傍堪望處錯疑鮫室挂寒綃

鞮架二首

氈毛水打初成鞮餘濕還應待日消禦冷何辭居下  
體負暄早已託高標似隨仙舄乘雲近未跟芳塵去  
地遙却訝綠幢諸侬子倒投絕足試輕趨

鞮材溫厚剪羔群絨初勻濕未熏就日且湏綠峻  
木凌波將不讓羅紋色迷玉磬齊懸簇影伴仙舄半

入雲終屬美人施錦系畫簷風起暫繽紛

病中食江魚作自海寇亂此魚不至者六年矣  
腥風暫說靜蛟潭石首新嘗到草菴常味番令食指  
動病身未覺水鮮甘試和芹子心仍在欲薦椿庭恨  
豈堪莫謂有無關口腹安危消息繫江南

弟兒次江魚詩韻深不稱意偶坐水榭無事再  
疊前韻教之

畧舶夷舟逆占潭凌人忽爲啓冰菴百船十死衆爭  
利一尾半金人買甘偶嘗貧士已知足數飽豪家亦  
未堪遙憶金盤充貢處九重當食念江南



次韻題王孟端春流出峽圖

錦江一派自天開，誰寫春流映翠臺。  
萬木深中疑欲斷，千崖裂處訝還來。  
蒸成暖浪魚翻尺，繞向仙家客渡杯。  
瀑挂玉龍如起蟄，沫飛野馬似吹埃。  
探源詎識臨河意，乘木誰堪涉險才。  
近水人家巢鶴鶴，遠山天際落莓苔。  
赴流蜀賈回輕舸，燒野巴僮墾廢萊。  
萬里風烟真縮地，丹青枝蓋至此哉。

滿屋春流訝眼開，丹青彷彿見章臺。  
曉經神女和雲度，寒盡天山帶雪來。  
合勢兩涯誰辨馬，潛行一線僅勝杯。  
戲暖魚龍恰不夜，漱川花竹總無埃。  
沿洄欲問

幽人住險絕堪矜蹈水才荆巫信有四時雨灑灑全  
銷一點苔祠識黃牛多古木城迷白帝半荒萊吾生  
本是東吳客萬里西遊亦壯哉

孔明送蜀使故事

### 山居

槍榆徙海鵬鳩笑續短截長鳧鶴悲山翁未解稽生  
癖垢面蓬頭也自宜

### 讀王遵巖所爲拙集序文自嘲四首

嘍嘍妄意空千載沒沒安能蓋一鄉江東若問如卿  
比車載還應更斗量

文章未出風土外人品猶纏習氣中只可清狂慣吳

語却令識字笑吳蒙

札也能輕千乘國蹈道無能早見譏

公羊氏曰札可謂輕千乘之國

蹈道則未也

三十年來持戒意於今四十已知非

力希顏氏何能望竊比言游未敢安老大漸知親灑掃試將妙用此中參

### 紀夢

萬里歸心促曉鷄滿巖寒月正街西道人又謝天台  
夢也學劉郎一度迷

### 有司查脚色二首

道士原無鑑湖賜山人敢署醉侯封猶查脚色煩官

府陳渡橋邊一老農

逃名最喜稱無姓抱病還應厭有身說着宦游如一  
夢不知猶是籍中人

游塘候巡公四首

公門幾歲罷趨趨俯仰衡茅每晏如豈謂鬢毛蕭瑟  
又尚隨疆吏路傍趨

沙堤月色曉朦朧曾向朱門候相公逢迎不意猶能  
慣回首當年似夢中

樽散空知慕鑿坏柴關終歲更慵開今日偶成蝴蝶  
夢也隨花氣過墻來

補生狂態復如何一刺懷中半滅磨縱令整折謁官  
長猶勝詩人詠荷戈

海上凱歌九首贈湯將軍

湯侯猿臂猛虎鬚少小曾窺玄女符  
明主親頒手中劔直交跨海斬天吳

紛紛盜竊爾何知岸上斫人水上嬉  
自咤一身都是膽欲將巨海作潢池

偃旗休角寂無猜百丈樓船泊不開  
夜半賊營流矢滿纔驚漢將是飛來

水軍隊隊黃頭郎迎潮直上凌扶桑  
已知海若先清

道萬里滄波定不揚

海上秋高朝氣清  
管中賈勇競先鳴  
疊嶼亂翻旌幟  
影驚濤盡作鼓聲

沉船斬馘海爲羶  
潭底潛蛟噴血涎  
觸體帶箭逐波  
去可道孫恩是水仙

錦紈愛子亦從軍  
長鬣蒼頭總策勲  
誰奪強王萬金  
首帳前齊說小郎君

五千長戟下淮邳  
自是沙洲命盡時  
將軍欲置平戎  
鼓湏借鯨鯢腹下皮

湯侯以渠賊王良皮製鼓

捷上彤庭寵數優  
詔分玉帶與名裘  
麾下偏裨盡稽

首貂蟬笑看出兜牟

南征歌十二首

五嶺烽烟久未平君王習戰幸昆明  
却說將軍多勝算不須文士請長纓

詔錫彤弓出禁城良家六郡總從行  
將軍舊佩平蠻印校尉新開橫海營

漢皇有道伏羗胡南粵何知擅一隅  
萬里出師將問罪不因大海富明珠

獨承節鉞控南州親寵由來冠列侯  
昨夜輕寒生幕府賜衣初着紫貂裘

晴原羽騎簇油幢繡帽爭先蹋鞠場不惜千金收猛  
士欲將尺組繫名王

月明吹笛武陵川馬上行人望跼鳶莫怕炎洲饒毒  
竊一冬飛雪似胡天

軍書挿羽速星奔印燹夷王盡欵門殺氣三秋清瘴  
海輕兵一夜襲崑崙

草木千山鼓角風將軍牧馬夜郎東靈臺向夕占星  
色已報撓搶墮海中

圍合孤城海氣昏紛紛失木泣窮猿何如銜壁歸天

闕幸荷明王不死恩



群荆南去亂峰連滇海藤江一帶懸縱謂蠻封堪畫  
地不知漢將若從天  
奏凱歸來拜冕旒霍家襁褓更封侯因風爲報單于  
道漢闕方臯越尉頭  
千群椎髻競來王聲教南流盡越裳但使文犀通貢  
獻不將銅柱隔封疆

塞下曲贈翁東厓侍郎總制十八首

四月旌旂出白狼千山晴雪照油幢預知水草軍無  
乏試辨風雲虜欲降

三晉連年苦被兵九重拊髀憶豪英詔書更不從中

御萬里長城一委卿

詩書禮樂古人風  
開闔機鈴又不窮  
得一胡兒如愛子  
用三敗將立奇功

山前山後兵馬雄  
斧鉞衣裳在掌中  
狹士獻刀承賜酒  
貴侯免胄爲趨風

赤氣氤氳夜指天  
旄頭落地如火然  
曉來西山一鑿戰  
奪得牛羊歸滿川

千金買士却何爲  
一間過於十萬師  
黠虜欲逃頭可購  
名王未獵客先知

太師昔日定南荒  
親把長纓繫莫王  
寄語老胡須自

愛射飛休得近邊牆

虜中謂大官爲太師

梯懸半綆哨臺高胡漢鄰家隔一壕數日虜中無動

靜吉囊東去戰黃毛

問豈外十萬胡騎爲誰應何

虎翼龍蟠大將旗逆驅流電走妖魍陣前捉得胡王

女賜與營中廝養兒

題前此賦火然起來西山一

疆川冰盡水泱泱堡堡人家喚蒔秧田中每得鳥獸

骨云是胡王舊獵場

題本堂五掌中妙士燭尺承

馬邑邊胡數被胡王黃叛漢更通胡帷中妙算能先

發奪得黃旗與繡襦

閩蘇金又不讓野一枯民

徒兒白馬紫金鞦不向沙場便酒樓夜來一賭青錢

盡尚有囊中血髑髏

邊人大半能胡語胡騎年來亦漢裝誰向青紅氍帳裏單身縛得不花王

少年意氣王千斤鐵棒曾穿萬虜群壯士從來不病死孤兒今屬羽林軍

君侯生長在炎洲塞外層冰草木愁祇憐軍士猶寒色臘盡轅門不御裘

畫戟森森清晝閒指揮只是笑談間收將漢地教耕去捕得蕃酋命縱還

營平謀國最深忠每與公卿見不同但使湟中無寇

盜不須麾下有邊功  
青青塞草羽書稀  
士女鼯眠畜牧肥  
戲看侍兒呈舞  
馬醉邀幕客對彈碁

偶感十一首

蓋屋曾無一把茅  
姑蘇城外盡荒郊  
行人欲識郵亭  
處問是軍燒是賊燒

賊來窺戶正臨粧  
虜得吳娃似孟姜  
簫鼓滿船催送  
酒大王今夜作新郎

毒藥本能攻毒病  
病瘳藥發更堪論  
借問苗兵誰駕  
御遠觀元季近桃源

勝敗於今自可明不調琴瑟也須更滿地鬪骸多祝  
髮紛紛猶尚說僧兵

詎道狼兵能賈勇渾身裹鐵怯如何不似江東輕俊  
子袒衣黃帽去揮戈

袒衣黃帽去揮戈一潰奔騰湧血河滿目更無刀箭  
孔背心攢簇似蜂窠

諸城連接控吳中群賊無知枉見攻誰識主人多勝  
算關門閉得不通風

匹夫亦足關輕重好共軍門仔細論吳楚不知收劇

孟夏人還解

欲驗藏錢用水澆挖開錢谷地無毛首插片旂紅的  
的鄉人一一去挑包  
眉目粗頑髮指冠鄉人權作大王看缺燒醋灌俱嘗  
盡笑殺無鬚是宦官  
奸細紛紛徧群國丹陽奸細獲偏多舟人魚子應迴  
避賈客胡商孰敢過

觀道士祈雨二首

星壇步處雲隨合里邑喧呼道士功四海正需霖雨  
急卧龍何日起隆中

巫舞商陽古有之神靈風雨灌壇時陰陽燮理輸誰

力祗遣兒童頌法師

歸自金陵宿白土

長路緇塵欲上衣暫投客館亦如歸不因野老來爭  
席豈解山人久息機

酬徐養齋尚書見懷之作亦以少頌盛德并爲  
扣關先容云耳二首

卜居祗爲謝塵緣三尺繩床亦穩眠縱是炎天非雪  
夜終須乘興到前川

柴門長日閉青山薜荔衣裳米雪顏愧我未能分半  
榻藥囊書卷共消閒



送楊訓導擢曹州掌教二首

傳魁之世久知名君作師儒更有聲  
已道江東桃李徧春風還被魯諸生

臯比幾歲卧江城絳帳談經復此行  
廣文不厭青氈

冷京兆猶傳白雪聲

君先人尚書公嘗爲京兆尹有清名爲奄瑾所禍

贈徐愛杏山人詩有序

壬寅秋七月余偶識山人于錫山  
山人善醫尤精金瘡以爲其父傳之異人也  
山人治病投一匙于垂絕無不應手  
愈余因思南史所載一人因斫蛇而獲靈藥自是出入行陣金創被體以藥塗之盡

效相傳以爲奇雖然使其人當時得遇如山人者  
又何假于孽蛇之餘也哉邇者戎馬蹂躪鳴鏑徧  
野邊人之橫罹于毒者何可勝數向使致山人於  
塞垣軍旅之間人且爭忍死而趨之以丐命焉者  
如織矣而乃漠然自老於江南無事百年不見兵  
革之墟則抱其技而寂寂焉固其理也諺云士視  
其所遇苟不在中流雖五石之瓠奚所用之嘻豈  
獨醫哉會山人來求余詩而吾友靜思武陵二君  
皆介爲之請率爾賦此且序以見余意而詩次句

用南史事云

一卷禁方誰與傳  
雙童擣藥經幾年  
園中種杏今多  
少疑爾前身是董仙

題贈段紫峰

仙人宿處紫烟孤  
一片峰陰散玉湖  
今日隱身城郭  
裏閉門常寫廬山圖

秋日書客童君見過賦此爲贈

有客扁舟問草廬  
窓前梧葉正蕭疎  
山人已得忘筌  
意不復從君乞異書

題陳推官羅江號二首

高卧曾分白鷺沙  
清谿深處採三花  
總爲徵書出空

谷衣裳猶自染雲霞  
三山江畔入雲齊  
紫氣千年鎖石堤  
便欲學仙從此  
去與君同聽夜猿啼

題寶華和尚卷

幻自由來見幻華  
飲光何事又拈華  
兩華舉似知華  
客爲有別差無別差

贈王和尚住善卷

偃栢垂蘿古洞春  
上人飛錫此何因  
非關福地尋仙  
侶自向青山認法身

自述贈寫真毛君

津黑尚餘山澤氣委蛇又似列仙臞他年太史徵圖  
畫為識乾坤一腐儒

贈曹星士一江號

春雨蘭陵江草生江流恰與道心清門前車馬日來  
往閒坐江城說子平

自述并贈曹君

少讀陰符耻未工青山偃仰漸成翁人間炎冷都忘  
盡聽話流年一笑中

三山曉起觀猫捕鼠

起來隱几坐朝曦深謝當關早閉門簷角偶欣猫捕

鼠反觀尚覺殺心存

題畫

山空夜靜猿一鳴磴轉雲深鳥不度幽人何事長獨  
樓只爲此中有佳處

庶使廖東零喪後開所惠地黃酒臨觴慘然  
尺書滿篋故人情想像荒丘宿草生祗餘此日開尊  
意堪作山陽聽笛聲

贈儀真沙君

葭菼蒼蒼水國秋高樓明月古揚州二十四橋雲霧  
裏看君騎鶴上天遊

贈史君漁沙號

問君何處挂漁蓑予亦垂綸坐綠波他日相逢應一  
笑不知若箇得魚多

華補菴三度惠酒而此番所惠參酒者絕清冽  
可人雖味甚濃厚而置之杯中淡若無色可  
謂嘉品因劇飲至醉遂成口號奉謝三首

磁杯寫盡只疑空秋月寒潭意頗同隱几偶然成獨  
酌夜涼白露滿庭中

每甘樗散惟湏酒欲補虛羸却藉參瘵疾陶生兼好  
飲舉杯深見故人心

淵明素瘵疾

絕無色相傾明水只有馨香藉白茅此夕飲醇拚一  
醉恰如把臂與公交

食石首魚又得鯧勒二魚喜作口號向時石首  
每至郡鯧勒亦不至也非海氛漸息何以有  
此

昔年食首又成羹鯧勒相隨亦就烹應是鯨鯢先授  
首紛紛水族盡亡生

兗狀腹前排劍戟勒兗謀腹裡漲彭亨鯧二魚狀罟亦最可惡  
師自有截江網性命惟堪一筋輕



重刊荆川先生文集卷之三